

Siz Ginbingz: Youq Mwh Ciet Gicej Cungguk Daeujdaengz Camnai Gyoengq Bouxguh Hong Sinhwnz Daengx Guek
习近平:在中国记者节到来之际向全国广大新闻工作者致以节日问候

Sinhvazse Baekging ndwen 11 ngoenz 6 dienh Cunghgung Cunghyangh cungsuhi, Guek-gya cajsiz, Cunghyangh Ginhvej cajsiz Siz Ginbingz fak saenq cukhoh Sinhvasse laebbaenz 90 hopbi, daibyaui Dangcunghyangh cukhoh daengx-cungq dungzci Sinhvasse, caemhcaiq youq mwh aen daihngaihngaih ciet gicej Cungguk daeujdaengz, camnai gyoengq bouxguh Hong sinhwnz daengx guek.

Siz Ginbingz youq ndaw saenq naeuz, 90 bi doxdaeuj, Sinhvasse laemxsim riengz dangj byaij, senhconz gij cawjcieng dangj, naeuz gij simnaemj beksingq, geiqloeg gij cingsaenz seizdaih, cienzboq gij sing Cungguk, youq gwzming, hwnjguh, gaijgwz gak aen lizsij seizgeiz fatok cozyung youqgaenj.

Siz Ginbingz giengzdih, youq gwnz roen moq cienzmienh hwnjguh sevei cuji yendaiva guekgya, Sinhvasse aeu riengzgaenj yamqdin dangj, gaem-dawz cwngci fueng'yiengq cingqdeng, giendingh

lijsieng saenqniemh, soujmaenh gij cingz beksingq, swnjcienz lwedmeg saekhoengz, genhciz soujciengq cauhoq, gyavaiq yungzhab hwngfat, gyagiengz doiqrog cienzboq, roengzrengz guhbaenz aen gihgou cenzeizdij yienghmoq gozci okmingz, vih saed-yienh aen loqsiengj Cungguk Cunghvaz Minzcuz fukhwng hungmbwk, doidoengh cauhaeb aen minghyinh caezcaemh vunzloih guh'ok gungyen hung moq.

Ngoenz 6 banhaet, Aen Hoih Angqhoh Sinhvasse Laebbaenz 90 Hopbi youq Baekging banh, gwnz hoih doeg le saenq cukhoh Siz Ginbingz. Cunghgung Cunghyangh Cwngci Giz veijyen, Cunghsenhbu bucanj Vangz Gunhmingz camgya haihoih caemhcaiq gangjavah. De naeuz, aeu nyinh-caen hagsib gvancez gij cingsaenz ciji youqgaenj Siz Ginbingz cungsuhi, genhciz aeu gij swhsiengj Siz Ginbingz sevei cuji miz daegsaek Cungguk seizdaih moq guh dazyinx, genhciz cwngciyiah banh

se yenzcwz, swnjcienz gij gihyinh saekhoengz, soujmaenh bonjsaek goeknduj, sim naemj "gij hung guekgya", cienzmienh haeujlaeg senhconz gij lijun cauhoq dangj, gvangqlangh cienzboq gij cawjcieng dangj, gaenxmaenx naeuz gij simnaemj beksingq, yungh sim veh fukveh seizdaih, yungh rengz ciengq diuzgo seizdaih, guh gij sawjmingh cizcwz hong sinhwnz yizlun dangj lai ndei bae, roengzrengz cau gij cingzci moq doiq ndaej hwnj dangj, doiq ndaej hwnj beksingq, doiq ndaej hwnj seizdaih.

Bi 1931 ndwen 11 ngoenz 7, Saekhoengz Cunghvaz Dunghsinse ndanggonq Sinhvasse youq Suiginh laebbaenz, bi 1937 ndwen 1 youq Yenzanah gaijmingz baenz Sinhvasse. Ginggvaq hwngfat 90 bi, Sinhvasse seizneix youq ndawguek rogguek miz 200 lai aen gihgou faennga, yungh 15 loh vah gung sinhwnz saenqsi hawj daengx seiqgyaiq 8000 aen yunghhoh, cwgoemq gyaeujvunz seiqgyaiq buenq doxhwnj.

Mehmbwk Dieg Buensenj Hag Siuqmyauz
搬迁妇女学苗绣

Ndwen 11 ngoenz 4, Yungzsuij Myauzcuz Swciyen Gohhez banh "gohbuj leih beksingq— aen ban son dinfwngz minzcuz (dajsiuq Myauzcuz)", aen segih dieg buensenj bangfuz Myauzgyah Siujcin 40 lai boux mehmbwk camgya son'gyauq, vih youq ranz couhnieb roengz gie maenhsaed. Ndaw doz dwg boux lauxsae son'gyauq, swcigih gaep bouxswnjcienz daibyaui dajsiuq Myauzcuz Liz Yihyenz (swix sam) cingq bingz gij siuq bouxhag.

(Lungz Dauh ingj)



Vwnzva Maenhndei Bangrengz Lajmbanj Saenqhwng
优秀文化助力乡村振兴

Denzlinz Yen haiguh "hag lizsij dangj, gyo'mbaiq dangj, riengz dangj byaij" bae lajmbanj yienj heiq nem vwnzva roengz mbanj leih beksingq yienjok hozdung doxdaeuj, Aen Cungsim Swnjcienz Langhbaui Baujhoh Guekgya Gaep Feihvuzciz Vwnzva Yizcanj Denzlinz Yen, faenbied bae daengz daengx yienh 14 aen yanghcin 84 aen mbanj, yienj Heiqcuengh daihgeq, Heiq-cuengh iq daihneix, siujbinj, ciengq go diuq foux daengj soengq ciengz dem ciengz heiq ndeiawj bae hawj vunzlai, moix yienj ciengz heiq cungj ndaejdaengz bouxyawj dopfwngz haenh, mwh yienj heiq lij gyahaeuj ciengjdap gij cihsiz lizsij dangj caeug cihsiz fungsug dem, bouxyawj yienhciengz gaenxmaenx

ciengjdap, yienhciengz nauhyied dangqmaz, ndaejdaengz vunzlai dangdieg haenhndei. Neix dwg aen yienh neix yawjnaek yungh vwnzva maenhndei bae son vunz bangrengz lajmbanj saenqhwng.

Geij bi neix daeuj, aen yienh neix youq mwh doicaenh lajmbanj saenqhwng, mbouj-duenh guhndei aen dihi fugsah vwnzva gihcwngz, cungfaen fatok gij cozyung 118 aen duenzheiq seizhoengq 14 aen yanghcin, genhciz yungh vwnzva hozdung lai cungj lai yiengh coi vunz guh ndei, yungh gij doxgaiq vwnzva cingsaenz maenhndei son vunz guh sienh, yungh vwnzva gungganq vwnzmingz fungsang moq, doicaenh lajmbanj saenqhwng.

(Yenj Cinbyauh)

Cuengh Gun Song Vahsaw Hag Coenzgim
壮汉双语学金句

Daengxcungq Cunghgoz Gungcanjdangj dangjyenz! Dangjcunghyangh iuheuh gyoengqsou, geiqmaenh sawj-mingh goeknduj, giendingh swhsiengj leixniemh, hengzguh gij cunghcij dangj, ciengxlwenx caeug beksingq vunzlai lwed noh doxlien, itloh caemh beksingq naemj youq doxcaez, guh youq doxcaez, doxcaez dohgvaq hojnanz, caemh haemz caemh hoj, laebdaeb vih saedyienh beksingq ndaej gvaq ndwenngoenz ndei roengzrengz mbouj soeng, roengzrengz vih dangj caeug beksingq lai guh lai miznaj!

——Gij gangjavah Siz Ginbingz youq Aen Hoih Angqhoh Cungguk Gungcanjdangj Laebbaenz 100 Hopbi

全体中国共产党员！党中央号召你们，牢记初心使命，坚定理想信念，践行党的宗旨，永远保持同人民群众的血肉联系，始终同人民想在一起、干在一起，风雨同舟、同甘共苦，继续为实现人民对美好生活的向往不懈努力，努力为党和人民争取更大光荣！

——习近平 2021年7月1日在庆祝中国共产党成立100周年大会上的讲话